



PARALYMPIC COMMITTEE OF BOSNIA AND HERZEGOVINA
 PARAOLIMPIJSKI KOMITET BOSNE I HERCEGOVINE
 ПАРАОЛИМПИЈСКИ КОМИТЕТ БОСНЕ И ХЕРЦЕГОВИНЕ

Mind

Body

Spirit

Broj: 01-18/22
 Sarajevo, 16.02.2022.godine.

Predmet: Mišljenje na "Nacrta zakona o doživotnoj mjesečnoj naknadi zaslužnim sportistima u FBiH" i urgencija za usklađivanje istog sa Evropskom konvencijom za zaštitu ljudskih prava i osnovnih sloboda

**PARLAMENT FEDERACIJE
 SARAJEVO**







Primijeno: 18-02-2022			
Org. jed.	Broj	Priloga	Vrijednost
01	-02-	191	/22

Poštovani,

Kao što ste upoznati samim činom ratifikacije Evropske konvencije za zaštitu ljudskih prava (u daljem tekstu „Konvencija“), Bosna i Hercegovina je potpisala međunarodni ugovor i time preuzela obavezu da svoje zakonodavstvo prilagodi međunarodnim obavezama koje proizilaze iz tog ugovora. Dakle zaštita ljudskih prava koje garantira ova Konvencija, zapravo je zaštita ljudskih prava koje Ustav Bosne i Hercegovine garantira svojim građanima.

S tim u vezi ovim putem želimo da Vas upozorimo da se u samom "Nacrtu zakona o doživotnoj mjesečnoj naknadi zaslužnim sportistima u FBiH" (u daljem tekstu „nacrta Zakona“), tačnije u članu 10. stav 3. zakona vrši diskriminacija osoba s invaliditetom i krši se njihovo pravo na jednakost koje im garantuje „Povelja Evropske unije o temeljnim pravima“ u članu 21. stav 1., gdje se navodi sljedeće „Zabranjuje se svaka diskriminacija na bilo kojoj osnovi kao što je spol, rasa, boja kože, etničko ili socijalno podrijetlo, genetske osobine, jezik, religija ili uvjerenje, političko ili bilo kakvo drugo mišljenje, pripadnost nacionalnoj manjini, imovina, rođenje, **invaliditet**, dob ili spolna orijentacija.“ Dakle u članu 10. nacarta Zakona u kojem se definišu Koeficijenti za obračun doživotne mjesečne naknade, a u stavu 3. ovog Člana jasno je napravljena razlika u koeficijentu za Olimpijske igre i Paraolimpijske igre. Koeficijenti su utvrđeni bazirajući se na staroj kategorizaciji sportista koja je također svojim odredbama diskriminisala osobe sa invaliditetom, međutim nekoliko dana nakon dostavljanja nacarta Zakona Vladi FBiH, Vlada je na sjednici održanoj 03.02.2022. godine izmijenila „Uredbu o određivanju kriterija za dodjeljivanje nagrade sportistima, sportskim radnicima i sportskim udruženjima iz FBiH za ostvarene vrhunske sportske rezultate na međunarodnim takmičenjima“, a koja u sebi sadrži novu kategorizaciju sportista u kojoj su na inicijativu Paraolimpijskog komiteta BiH izjednačene nagrade za ostvarene sportske rezultate na Olimpijskim i Paraolimpijskim igrama. Na ovaj način je otklonjena diskriminacija osoba sa invaliditetom u navedenoj Uredbi.

Ovim putem Vas molimo da nacrt Zakona, to jeste u konačnici sam zakon uskladite sa novom Uredbom i na taj način ispravite diskriminaciju koja se desila u nacrtu Zakona.






PARALYMPIC COMMITTEE OF BOSNIA AND HERZEGOVINA
PARAOLIMPIJSKI KOMITET BOSNE I HERCEGOVINE
ПАРАОЛИМПИЈСКИ КОМИТЕТ БОСНЕ И ХЕРЦЕГОВИНЕ


Mind

Body


Spirit




Bosna i Hercegovina
Federacija Bosne i Hercegovine
Vlada Federacije Bosne i Hercegovine




BOSNA I HERCEGOVINA
Federacija Bosne i Hercegovine
Federalno ministarstvo kulture i sporta
Федерално министарство културе и спорта
Federal Ministry of Culture and Sports




Bosna i Hercegovina
Federacija Bosne i Hercegovine
Kanton Sarajevo
MINISTARSTVO KULTURE I SPORTA



OPĆINA STARI GRAD
SARAJEVO



OPĆINA CENTAR
SARAJEVO



OPĆINA NOVI GRAD
SARAJEVO



M.H.S.

Dakle potrebno je da utvrđeni koeficijenti za Olimpijske i Paraolimpijske igre budu jednaki.

Smatramo da je u članu 10. stav (3) u tačkama b) i c) potrebno naglasiti i da je riječ o seniorskim prvenstvima.

Kako bi se otklonila diskriminacija osoba sa invaliditetom u Nacrtu, član 10. stav 3. Bi trebao glasiti ovako:

(3) shodno kategorizaciji sportista, utvrđeni su sljedeći koeficijenti:

a) Olimpijske i Paraolimpijske igre:

- 1) Prvo mjesto: 2,2
- 2) Drugo mjesto: 1,9
- 3) Treće mjesto: 1,7

b) Svjetsko seniorsko prvenstvo:

- 1) Prvo mjesto: 1,9
- 2) Drugo mjesto: 1,7
- 3) Treće mjesto: 1,5

c) Evropsko seniorsko prvenstvo:

- 1) Prvo mjesto: 1,7
- 2) Drugo mjesto: 1,5
- 3) Treće mjesto: 1,2

Želimo da napomenemo i uzmemo za primjer susjedne nam zemlje u kojima su uredbe i zakoni u potpunosti usklađeni sa Konvencijom, pa je tako u Republici Hrvatskoj u članu 81.a (NN 94/13, 98/19) Zakona o Sportu u stavu (2) iznos trajne novčane mjesečne naknade za osvojene medalje na Olimpijskim i Paraolimpijskim igrama izjednačen. Još jedna stvar na koju bi se moglo bazirati kada su u pitanju odredbe Zakona o Sportu u Republici Hrvatskoj, jesu uvjeti koji su potrebni za ostvarivanje prava na trajnu novčanu mjesečnu naknadu. U nacrtu Zakona u članu 6. tačka h) glasi „da nije pravosnažno osuđen za krivično djelo“, mislimo da bi ovu tačku trebalo jasnije definisati, možda na način na koji je to urađeno u Republici Hrvatskoj gdje u članu 81.a, stav (1) stoji „nije pravomoćno osuđen na bezuvjetnu kaznu zatvora za počinjeno krivično djelo“.

Također jednakost sportista kada su u pitanju Olimpijske i Paraolimpijske igre i ostvarivanje prava vezanih za postizanje vrhunskih rezultata na istima obezbjedila je i susjedna nam država Crna Gora, koja je u svome Zakonu o sportu („Sl. List Crne Gore“, br. 36/11 od 27.07.2011, 36/13 od 16.07.2013) i Pravilnicima koji jasnije definišu status



PARALYMPIC COMMITTEE OF BOSNIA AND HERZEGOVINA
PARAOLIMPIJSKI KOMITET BOSNE I HERCEGOVINE
ПАРАОЛИМПИЈСКИ КОМИТЕТ БОСНЕ И ХЕРЦЕГОВИНЕ

Mind

Body

Spirit

Bosna i Hercegovina
Federacija Bosne i Hercegovine
Vlada Federacije Bosne i Hercegovine

BOSNA I HERCEGOVINA
Federacija Bosne i Hercegovine
Federalna ministarstva kulture i sporta
Federalno ministarstvo kulture i sporta
Federal Ministry of Culture and Sports

Bosna i Hercegovina
Federacija Bosne i Hercegovine
Kanton Sarajevo
MINISTARSTVO KULTURE I SPORTA

bh

BHRT
RADIO I TELEVIZIJA BOSNE I HERCEGOVINE
RADIO I TELEVISION OF BOSNIA AND HERZEGOVINA

sport centar
medugorje

OPĆINA STARI GRAD
SARAJEVO

OPĆINA CENTAR
SARAJEVO

OPĆINA NOVI GRAD
SARAJEVO

MANNERS

SARAJEVO OSIGURANJE

Grad Sarajevo
City of Sarajevo

M.H.S.

Vrhunskih sportista i njihovo pravo na nagrade i mjesečne naknade uskladila sa Konvencijom, te su iznosi kada su u pitanju Olimpijske i Paraolimpijske igre jednaki. Isti je slučaj i kada je u pitanju Republika Srbija gdje je u Zakonu o sportu („SL. Glasnik RS“, br 10/2016) ostvarena jednakost, što možete vidjeti u članu 123. Zakona.

Kada su u pitanju ostali uslovi za ostvarivanje prava navedeni u članu 6. nacrtu Zakona smatramo da je višak tačka c) „da je kategorisan kao zaslužni sportista u BiH“, jer je tu riječ o državnom nivou gdje bi Ministarstvo civilnih poslova izdavalo potvrdu, a ovaj nacrt Zakona i budući zakon je na nivou Federacije. Mislimo da je sasvim dovoljno da sportista posjeduje dokaz o ostvarenim sportskim rezultatima sa potvrdom nadležnog sportskog saveza, jedino što bi se trebalo dodati jeste da je to u slučaju kada su u pitanju rezultati na svjetskim i evropskim prvenstvima, a da za rezultate na Olimpijskim i Paraolimpijskim igrama potvrde izdaju Olimpijski i Paraolimpijski komitet baš kao što je to slučaj u susjednim državama, kako se sam proces ostvarivanja prava ne bi dodatno komplikovao mješanjem nivoa.

Također u članu 9. stavu (2) nacrtu Zakona stoji sljedeće „Sastav Komisije čini: 1 predstavnik Ministarstva, 1 predstavnik Olimpijskog Komiteta BiH i 5 sportskih granskih saveta BiH“. Smatramo da u sastavu komisije treba da bude i 1 predstavnik Paraolimpijskog komiteta, jer kada su u pitanju Paraolimpijske igre, sve potvrde i svu evidenciju i odlaske na igre vodi Paraolimpijski komitet i ukoliko je već u sastavu komisije jedan predstavnik Olimpijskog komiteta, smatramo da je potrebno da tu bude i naš predstavnik. Pa bi u članu 9. stav (2) po našem mišljenju trebalo stajati sljedeće „Sastav Komisije čini: 1 predstavnik Ministarstva, 1 predstavnik Olimpijskog Komiteta BiH, 1 predstavnik Paraolimpijskog Komiteta BiH i 4 sportskih granskih saveta BiH“

Iskreno se nadamo kako će te naše prijedloge, sugestije i molbe uvažiti i kako će te otkloniti diskriminaciju koja je prisutna u nacrtu Zakona o doživotnoj mjesečnoj naknadi zaslužnim sportistima u FBiH, uvažavanjem naše molbe za izjednačavanjem naknada kada su u pitanju Olimpijske i Paraolimpijske igre otklonili bi ste svaku sumnju u diskriminaciju osoba sa invaliditetom.

S poštovanjem,



GENERALNI SEKRETAR

Osman Handžić